

## Imitsetfo lelishumi

1- Ningabi nalabanye bonkulunkulu ngaphandle kwami. 2-Ningatenteli tithico. 3-Ningaliphatsi ngelite ligama laNkulunkulu. 4-Khumbula lusuku lwesabatha. 5-Hlonipha uyihlo nenyoko. 6-Ungabulali. 7-Ungaphingi. 8-Ungebi. 9-Ungacali emanga. 10-Ungahawukeli ngobe uyawubhekana na Nkulunkulu ngelilanga lekwahlulelwa.Inkanuko ifanana nebuphingi kuNkulunkulu,"lowo lobuka wesifazne ngenkanuko sowuphingile enhlityweni yakhe." (Matewu 5:28).Kutondza lomunye kufana nekubulala phambi kwaNkulunkulu,"wonkhe lotondza umfowabo nome dzadzewabo ungumbulali" (1Johane 3:15) Uyaya yini ezulwini? Naluluhlolo loluncane,wake wawacala emanga,noma weba lokutsile,waphatsa ligama laNkulunkulu ngelite noma wabuka ngenkanuko?(Jemusi 2:10) Logcina yonke imiyalo bese wephula munye unelicala layo yonkhe.Uyawutisola yini ngelusuku lwekwahlulelwa?Uma wente konkhe loku kuNkulunkulu ungumcambimanga,lisela,futsi usiphingi.Libhayibheli litsi uma wona utawuphetsela esihogweni.Nkulunkulu watfumela indvodzana yakhe kutsi ihlupheke ize ife esiphambanweni."Nkulunkulu walitsandza live kangangobe waze wanikela ngendvodzana yakhe letelwe yodwa kutsi lokholwa ngiyo angabhubhi abe nekuphila lokuphakadze" (Johane 3:16).Jesu wakwehlula kufa ngako phenduvka,ukholwe ngu Jesu ube nekuphila lokuphakadze.Fundza livi uhloniphe lelikushoko.

### Livi laNkulunkulu 1

Kufanele nisindzisiwe." Nginitjela liciniso,ngaphandle kwekusindziswa,angeke niwubone umbuso waNkulunkulu." (Johane 3:3) Sonkhe,sifanana nemvu yelulahleko,ngoba sishiye indlela yaNkulunkulu salandzela yetfu.(Isaya 53:6).Kodwva mine Nkulunkulu ngihlola inhilityo ngivumbulule netimfihlo. Bese ngemukelisa umchele ngulowo nalowo ngekwemisebinti yakhe.(Jeremiya 17:10).Nitawubhubha uma ningashiyi tono nibuyele kuNkulunkulu.(Lukha 13:3).Nkulunkulu wasisindzisa hhayi ngoba sente kahle kodwva ngemusa wakhe.Wahlanta tono tetfu wasinika kuphila lokusha kwamoya longcwele. (Tithusi 3:5).Kunemphilo lebonakala iyinhle emehlweni emuntfu kodwva siphetfo sayo sikufa.(Taga 14:12) . Jesu watsi ngiyindlela neliciniso nekuphila kute longeta kuBabe ngaphandle kwami.(Johane 14:6) Ngeke umuntfu abuyisane naNkulunkulu ngekulandzela umtsetfo.Kodwva ngensindziso.(Kubase Roma 3:20) Jesu wetfwala tono tetfu esiphambanweni kuze sife etonweni siphilele kulunga.Ngemivimba yakhe saphiliswa.(1 Petru 2:24).Jesu wafela tono tetfu wangcwatjwa wavuswa ngelusuku lwesitsatfu.(1 Kubase Khorinte 15:3-4) Nkulunkulu wakusindzisa ngemusa wakhe uma ukholwa.Ngeke utichenye,kusipho lesivela kuNkulunkulu.Insindziso ayisiwo umvuzo wekwenta kahle ngako akekho longatikhumemeta ngayo.(Kubase Fesu 2:8-9)

### Livi laNkulunkulu 2

Wonkhe lobita ligama laNkulunkulu utawusindziswa.Jesu watsi kubo:Kunye Nkulunkulu lakufuna kini:"Kholwa ngulona lamtfumile" (Johane 6:29).Nginitjela liciniso,ngitsi kini labalalela umlayeto bese bayakholwa nguNkulunkulu longitfumile banekuphila lokuphakadze.Bangeke baye ekubhujisweni sebendlulile ekufeni (Johane 5:24).Lowo lonedvodzana unekuphila kodwva lote ute nekuphila.Ngitjela nine lenikukholwa yindvodzana yaNkulunkulu kutsi nati kutsi nine kuphila lokuphakadze (Johane 5:12 -13).Lowo lonemahloni ngami name ngitawuba nemahloni naye.(Lukha 9:26) Nawuvuma ngemlomo wakho,ukholwa utawusindziswa.Kucala ngekukholwa enhlityweni bese ubuyisane naNkulunkulu kutsi uyayivuma insindziso.(Kubase Roma 10:9-10). Kukholwa kunemisebenti lemihle.Ungasho ngani kutsi uyakholwa uma kute imisebenti.(Jemusi 2:14).Nkulunkulu lophila kuwe ukunika emandla nenshisekelo yekumtfkotisa.(kubase Filiphi 2:13).Sonkhe siyawutilandza kuNkulunkulu.(Kubase Roma 14:12). Nangabe ungafuni kukhonta Nkulunkulu,khetsa namuhla kutsi utawukhonta bani,kodwva mine nendlu yami sitawukhonta Jehova (Joshuwa 24:15)

### Licebo laNkulunkulu lensindziso 1

Nanku umbuto lomcoka wemphilo yakho.Utawubona yini umbuso waNkulunkulu uma ufa? Nkulunkulu utsi kufanele sisindziswe kuze singene embusweni welizulu,"phendvuka" (John 3:7).Kuze usindziswe

kufanele uvume kutsi usoni njengoba livi litsi "bonkhe bantfu bonile balahlekelene naNkulunkulu" (Kubase Roma 3:24) Njengobe usoni yala kufa ngoba inkhokhelo yesono kufa. Bonkhe bantfu bamiselwe kufa kube kanye emvakwako kwahlulelwa.(MaHeberu 9:27). Kodwa Nkulunkulu wasitsandza wanikela ngendvodzana yakhe leyodwa kutsi ife endzaweni yetfu.Kungako atsi wonkhe umuntfu akaphendvuke akashiye tono takhe abuyisane naye.(Imisebenti yebaPositoli 17:30) Kuphenduka kushiya tono uvumelane nalesakwentelwa nguJesu esiphambanweni.Umbuto utsi "kufanele ngenteni kuze ngisindziswe?" (Imisebenti 16:30). Kholwa ngu Jesu lowatsetsela tono,wafa endzaweni yakho,wangcwatjwa wase Nkulunkulu uyamvusa.Kuvuswa kwakhe kunika siciniseko semphilo yaphakadze.Bonkhe labakholwa nguye wabapha emandla ekutsi babe bantfwana baNkulunkulu.(Johane 1:2)

Licebo laNkulunkulu lensindziso 2

Wonkhe umuntfu lobita ligama laNkulunkulu utawusindziswa .(Kubase Roma 10:13).Kholwa,utawusindziswa.Angeke usindziswe libandla noma imisebenti yakho,nguNkulunkulu lonsindzisako.Licebo laNkulunkulu ngensindziso litsi:Usoni ungakaphenduki wakholwa ngu Jesu lowafa endzaweni yakho uya ekubhujisweni kwaphakadze.Uma ukholwa kutsi wafa,wangcwatjwa wavuka ,tono takho tiyacolelwa bese wemukeliswa kuphila kwaphakadze.Uma ungacondzisisi fundza uphindzaphindze uze ucondze kahle.Umphemfumulo wakho umcoka kwendlula lelive.Kutakusita ngani kuzuzwa live ulahlekelwe ngumphefumulo wakho?(Makho 8:36). Ciniseka kutsi uyasindziswa khona utowubona umbuso welizulu.Ungatetsembi wena kodwa mani etetsembisweni taNkulunkulu letingagucuki.Kunetintfo letintsatfu lokufanele utente emvakwekusindziswa, kumele uhlale uthandaza,Nkulunkulu akhulume nawe bese utjela labanye ngaNkulunkulu wakho.Ungesabi kutjela labanye ngaye ngoba utsi ungesabi kutjela bantfu ngaNkulunkulu" (2Thimothi 1:8) "Lote emahloni nami kubantfu ngitabate emahloni ngaye phambi kwaBabe ezulwini." (Matewu 10:32) Ungasindziswa udzinga kubhatjatiswa lokubufakazi bese uyahlangenyela nalabakholwa livi la Nkulunkulu.